

ANEKS SPORAZUMA O SARADNJI

između

Univerziteta u Sarajevu, Obala Kulina bana 7/II, 71000 Sarajevo, Bosna i Hercegovina, kojeg zastupa rektor prof. dr. Muharem Avdispahić, dr.h.c.,

Univerziteta u Sarajevu – Prirodno-matematičkog fakulteta, Zmaja od Bosne 33-35, 71000 Sarajevo, Bosna i Hercegovina, kojeg zastupa dekan prof. dr. Rifat Škrijelj,

i

Univerziteta u Beogradu, Studentski trg 1, 11000 Beograd, Republika Srbija, kojeg zastupa rektor prof. dr. Vladimir Bumbaširević,

Univerziteta u Beogradu – Biološkog fakulteta, Studentski trg 16, 11000 Beograd, Republika Srbija, kojeg zastupa dekan prof. dr. Željko Tomanović.

Član 1.

U interesu razvijanja dalje saradnje, na osnovu i u skladu sa Sporazumom o saradnji zaključenim između Univerziteta u Beogradu dana 29. 11. 2001. godine i Univerziteta u Sarajevu dana 03. 12. 2001. godine (u daljem tekstu: Sporazum), navedene visokoškolske ustanove sporazumjele su se da uspostave program razmjene i saradnje u oblastima od značaja i dobrobiti za sve sporazumne strane.

Aneks Sporazuma uzima u obzir zajednički interes u istraživanju i razvoju oblasti biologije. Ovim aneksom Sporazuma navedene sporazumne strane žele da, u cilju šire i uspešnije saradnje, omoguće praktična rješenja i preciznije definiraju uvjete saradnje između Univerziteta u Sarajevu – Prirodno-matematičkog fakulteta i Univerziteta u Beogradu – Biološkog fakulteta.

Član 2.

Univerzitet u Sarajevu – Prirodno-matematički fakultet i Univerzitet u Beogradu – Biološki fakultet su saglasni:

1. da sarađuju u oblasti teorijskog i praktičnog dijela edukacije studenata, uključujući mogućnost razmjene studenata;
2. da organiziraju zajedničke edukativne programe u cilju permanentnog unapređenja znanja i organizacije zajedničkih naučnoistraživačkih projekata.

Član 3.

Univerzitet u Sarajevu – Prirodno-matematički fakultet i Univerzitet u Beogradu – Biološki fakultet imenovat će svaki svoju osobu za kontakt koja će koordinirati realizaciju određenih aktivnosti ili programa.

Član 4.

Za sve obaveze i troškove koji nastanu u vezi sa svim aktivnostima, programima i projektima po ovom aneksu Sporazuma bit će odgovorni Univerzitet u Sarajevu – Prirodno-matematički fakultet i Univerzitet u Beogradu – Biološki fakultet. Potpisivanjem ovog sporazuma univerziteti ne preuzimaju nikakve finansijske obaveze.

Član 5.

Ovaj aneks Sporazuma počinje važiti danom potpisivanja, a bit će na snazi do prestanka važenja osnovnog Sporazuma.

Sporazumne strane mogu raskinuti ovaj aneks Sporazuma pisanim putem uz otkazni rok od šest (6) mjeseci.

Ovaj aneks Sporazuma sačinjen je u dvanaest (12) istovjetnih primjeraka, od kojih su (4) na engleskom, četiri (4) na srpskom i četiri (4) na bosanskom jeziku, svi iste važnosti.

